



25099

I Mag. St. Dr. P

Responsum A. Regem majestatis Joachim. fidei  
et Maximilian Brandeb. Legationis.

Plat 3817



II  
P  
ric  
Pr  
C

S  
qu  
Fr  
pe  
bo  
C  
Pr  
ni  
m  
xi  
&  
tis  
pa  
na



# RESPONSVM SACRÆ

Regiæ Maiestatis.

## ILLVSTRISSIMI PRINCI-

PIS AC DOMINI IOACHIMI FRIDE-  
rici Marchionis Brandenburgensis. Sac: Rom: Imperij  
Principis Electoris &c. Legatis. Illustri Magnificis &  
Generosis Wedigoni Raimaro Gans, Libero Baroni  
in Putlitz. Isaaco Kracht: & Ioachimo Hubne-  
ro, datum Warsaviæ, die XI. Mensis Martij.

Anno Dñi, M. DC. V.

**S**Ac: Reg: Mai: Dominus Noster Clementissimus,  
Amplissimusq; Senatus, perspectis cognitisque iis,  
quæ Illustriss. Principis ac Domini, Domini Ioachimi  
Friderici Marchionis Brandenburg: &c. Sac: Rom: Im-  
perij Electoris, in Prussia, Stetini, Pomeraniæ, Cassu-  
borum, Vandalorumque, necnon in Silesia Crosnæ,  
Carnouixque Ducis, Burggrauij Norinbergensis &  
Principis Rugiæ &c. Illustres & Magnifici Legati, ple-  
ni potetia Celsitudinis suæ Illustritatis exhibita, deque  
mandatis suis plena fide facta, ad conditiones in pro-  
ximis comitijs Cracouiensibus ex præsentis temporis  
& Reipub: ratione ac statu, sine alterutrius tamen par-  
tis Iuris præiudicio propositas, aliquot partim scriptis,  
partim colloquijs, cum delegatis à Sac: Reg: M. ex Se-  
natorio & Equestri ordine responderunt, in eam, quæ  
sequitur

*Handsch 1124. g.* A



sequitur, sententiam, de toto isto negotio mentē suam  
declarandā putat.

Imprimis non dubitat S. R. Maiestas, Amplissimus.  
que Senatus, beneuolentiā, propensionem, studiumq;  
suum erga Illustrissimam domum Brandenburgicam,  
vt in superioribus actionibus: ita hac quoq; postrema  
satis Illustrissimæ Celsitudini suæ probatum iri. Quan-  
tum enim in S. R. Mai: fuit, neque in Ipsis Dominis  
Oratoribus audiendis vllam moram interposuit, &  
quā primū auditi fuerunt, ex vtroque tam Senato-  
rio, quā Equestri Ordine summæ authoritatis ali-  
quot repetitis vicibus delegauit, quid de toto hoc ne-  
gotio cum Dominis Oratoribus tractarent, Quot fi-  
nem nihilominus in Comitijis hisce nondum per om-  
nia sortiri, certumque aliquid constitui potuerit, nihil  
aliud, quā fatum aliquod aduersum, ipsorumq; adeo  
negotiorum difficultas & magnitudo accusari potest.  
Scit sine dubio Illustrissima Cel. eius cum amplissimū  
latissimeque patens hoc Regnum esse, cuius cum &  
varia grauissimaq; negotia sint, difficulter sex septima-  
narum exiguo spacio, quibus Comitia circumscripta  
sunt, explicari possunt, quæ integro biennio, quod in-  
ter Comitia intercedit, partim cumulantur partim eti-  
am præter expectationem obiciuntur. Hic igitur vt &  
prudentiam, & animi sui æquitatem in Consilium Il-  
lustrissima Celsitudo sua adhibeat, etiam atque etiam  
contendendum S. R. M. ab illustrissima Celsitudine  
sua est; quod cum fecerit, neque per S. R. M. & ma-  
ximam



ximam etiam partem Ordinū stetit, quo minus nunc  
negocium id definiretur, facillè illustrissima celsitudo  
sua intelliget, neque moram eam, quæ non à volunta-  
te aliqua S. R. M. Amplissimi què Senatus, maioris què  
adeò partis Ordinum, sed iniuria seu difficultate tem-  
porum interuenit, iniquo animo feret. Interim tamen,  
ne nihil omnino actum videretur, & eo certiùs ad pro-  
xime futura Comitìa illustrissima celsitudo sua Lega-  
tos suos mittere possit, etsi Comitìa hæc ita soluta sint  
vt cum iis durantibus, tractari de Cōditionibus iis cæ-  
ptum fuisset, inopinatò dissolutis, neque vllà alia de re  
ad Rempub: pertinente, neque de hac quoque quic-  
quam certi constitui potuerit: Consilio tamen Sena-  
torum suorum etiam post Comitìa adhibito, de agita-  
tis conditionibus quàm breuissimè & planissimè men-  
tem sententiam què suam declarandam existimauit, ad  
eandem què vt cum antè proximè futura Comitìa, tūm  
initio eorum omnium etiam Ordinum Cōsensum ad-  
ducat impetret què, candido sincero què studio ope-  
ram dabit.

Ac primū quidem, quod ad authographum inue-  
stituræ Petrcouiēsis attinet, satis fieri sibi S. R. M. Am-  
plissimus què Senatus declaratione Cracouiensi pati-  
untur, vt si opus id esse iudicauerint vt in finibus, vel  
aliquo idoneo loco, cū illustrissima celsitudine sua  
requisita ea de re fuerit, de Legatis S. R. Maiestatis id  
exhibeat.

De formula Homagij itidem ac quiescit Responso



Dominorum Oratorum Cracouiensium vt nimirum illustris: Princeps Elector ipse in persona ad Comititia veniat, rituque & ceremonia solenni, in publico theatro, eodem omnino modo, iisdemque verbis Homagium & Iuramentum præstet, quibus proximè illustrissimus Princeps Dominus Georgius Fridericus, Marchio Brandenburgensis, in Prussia Dominus & Curator id præstiterit, eodemque modo successores etiam illustritatis eius id præstent.

In causa Religionis hæc quidem Domini Legati, cum vrgerentur, receperunt, libertatem nempe conscientiarum nullis Ducalibus religionem Catholicam Romanam profitentibus, qui in præsentiarum sint, aut deinceps futuri essent, labefactatam aut cõuulsam iri: Sacella itidem & Oratoria vbiuis tam in cõfinijs, quàm alibi in tegra, tuta, & concessa, in iisdem liberum pietatis & doctrinæ institutisque Catholicis exercitium fore, neminem eo nomine turbari, inquietari, premi, neminem Religionis Catholicæ ergò vllam vim, iniuriam, contumeliam extimescere debere. Iura patronatus etiam & Tempia, quicumque Catholicus habebit, eorum vsu & publico exercitio non priuatum iri; Sed ipsi integrum, liberum, illibatumque futurum ad munera etiam & honores Catholicos idoneos admissum iri; Sac: Reg: Maiestatis atque Amplissimi Senatus nomine, cum alia quædam proposita fuerunt, tum vt ad minimum Regio monti, vnum atque alterum templum, ad Religionis Catholicæ vsus, cum redditibus

bu-



bus iustis assignetur, non solum propter eos qui ex ducatu eius Religionis sint aut fuerint: verum non minus etiam, qui ex Regno Magnoque Ducatu Lithuaniae Catholicae Religionis homines, negotiorum suorum causa, frequenter eò venire solent: Verum cum Domini Legati maximam partem ad prouinciales ista pertinere, utque cum ipsis, si quid amplius obtinere per Commissarios possit, S. Regia Maiestas agat, per celsitudinem suam integrum fore ostendissent, S. Regia Maiestas Amplissimusque Senatus, quæ à Dominis Legatis data sunt, in præsentia quidem accipit, ita ut postea quam in potestatem aut curam & administrationem illustrissima celsitudo eius Ducatus peruenerit, executioni mandentur: De illis autem, quæ ab illis proposita fuerint, ut cum ipsis prouincialibus, per Commissarios suos, agat constituatque, sibi reseruat.

Eodem modo de Calendario nouo recipiendo, de quo dudum non immerito. S. Regia Maiestas moleste se ferre existimat, quod cum Regni huius membrum Ducatus is sit, si non summi Pontificis, cuius cura correctum id est: tamen non potius S. Regiæ Maiestatis tanquam directi Domini, Regnique, quam Iulij Cæsaris, à quo vetus profectum est, principis profani authoritatem in eo sequatur. Verum cum hac quoque de re, cum ipsius Ducatus incolis tractandum esse, Domini Legati ostenderent, de ea quoque cum prouincialibus ipsis, per Commissarios suos ut constituatur, S. Regia Maiestas assentitur.



Successionem iustè ad vnā certā lineā rectā descendētem, nimirum Illustrissimū Principem Electorem, Eiusquē filios, horumquē posteros omnes ex ea lineā sibi inuicem suo loco & tempore in Electoratu successuros. reuocari adstringiquē debere. *S. Regia Maiestas & Amplissimus Senatus* existimant, vel ex eo, quod cum feudum hoc primū in illustrissimū Principem Ioachymum, laudatissimæ memoriæ, Electorem lineamquē directā, quæ in Electoratu Illi successura est, collatum fuisset, post ea quā cum Illustrissimo etiam Sigismundo minore natu filio, Administratore Magdeburgensi, communicari id petitum fuisset, etsi sororis Germanæ, Diuæ memoriæ, Sigismundi Augusti filius is fuisset, dilatum id tamen fuerit, ex quo satis apparere potuerit, eam ab initio mentem inuestientis fuisse, vt non nisi ad vnā lineā solā feudum pertineret. Cum Domini Legati, ex vi inuestiturarum, fratres etiam Illustrissimi Principis Electoris ad ius id pertinere contenderent, quod totius istius rei, de iure successionis, definitio à publica Ordinum authoritate penderet, necessario ad proxima Comitia eam differendam *S. Regia Maiestas* iudicauit.

Subsidij nomine ita tandem *S. Regia Maiestas* atque Amplissimus Senatus mentem suā declararunt, vt triginta millibus annuis, totidem contributionis nomine, quoties in Regno publicè aliqua decerneretur, contenti futuri sunt: Ita nimirum, vt quoties publica aliqua



aliqua necessitate ingruente tributum in Regno decretum fuerit, sexaginta millia, tam tributi quàm annuæ pensionis nomine, simul coniunctimquæ ab illustrissima Celsitudine sua, successoribusquæ illius, in usus publicos præstentur, idque à proximè futuro festo Pentecostes infra annum; quæ quidem conditio à Dominis Oratoribus accepta fuit.

De Appellationibus, ut sine exceptione ad S. Regiam Maiestatem Incolis Ducatus ab ultima instantia permitterentur; etsi ab Oratoribus illustrissimæ celsitudinis suæ postulatum, ac ab iis certo modo concessum fuit: Attamen cum deinde, ne hominum temeritate in immensum lites crescerent, ut ad quingentorum florennorum summam restringerentur, iidem petiissent, ne videlicet infra illam appellaretur, nequè, nisi à sententia definitiua, aut eius vim habente, Privilegium itidem de Appellationibus agro Principi ad vitam eius concessum, in id etiam saltem tempus integrum maneret, hisce quoque conditionibus non in vita assensu S. Regia Maiestas, atque amplissimus Senatus fuerunt. Cum verò ad idem genus Regalium non minus fidei publicæ siue saluorum conductuum ius pertineat, ut si qua iusta ex causa Ducali alicui fide publica cauendum, saluumquæ conductum tribuendum, S. Regia Maiestas successoresuè eius existimarent, salui conductus ij, secundum Ius publicum, ab illustrissima celsitudine eius, semper etiam sacrosancti esse debebunt.

Non



Non dabuntur autem salui conductus, vllis hominibus, vel facinorosis, vel in crimine scelereuè aliquo deprehensis: sed si quis vel ex sinistra aliqua delatione offensionem Principis incurrerit, vel Aduersarij alicuius potentia prematur, aut alia aliqua iusta ex causa dignus pæsidio atque patrocínio Regio videbitur: ac dabuntur quidem non à iure, sed à vi tantum & potentia, vt iuri nihilominus se sistere, reiquè iudicata parere teneatur.

Durante itidem saluo conductu, modeste se gerat, nullum iniuria afficiat, tum verò publicè saluum conductum illum ad noticiam omnium, maximè autem Magistratus adducat: Ad extremum etiam ad trium tantum mensium spatium dabuntur, intra quos & iure experiri, & alia honesta negotia sua gerere administrareque, qui saluum conductum habuerit, possit: spacio autem eo elapso, si vltèrius eo dignus fuerit, alium impetrabit.

De quatuor Nauibus, assentitur *S. Regia Maiestas*, & Amplissimus Senatus, vt dum necessitas postulabit, ad oram maritimam Prussiae tuendam, suo sumptu illustrissima celsitudo sua eas habeat, postea si Regia Maiestas vti iis velit, de sumptu in eas faciendo, cum illustrissimo Principe Electore tractet.

Præfectum Memelensem tali Iuramento obstrictum esse debere, *S. Regia Maiestas* atque Amplissimus Senatus censent, quo *S. Regia Maiestati* & Regno, tanquam



quam Domino directo : Illustrissimo Principi Electo-  
ri, tanquam utili Domino obligetur. Cum verò Do-  
mini Legati, præter superiora pacta & morem hæte-  
nus seruatum, id postulari affirmarent, fidem etiam  
quasi Illustrissimæ Celsitudinis eius, vt quæ ipsa futura  
iurata esset, hac re in dubium vocari dicerent, non in-  
uita S. Regia Maiestas assensa fuit, vt in congressum  
ipsius illustrissimi Principis Electoris, cum S. Regia  
Maiestate caput id differretur.

De finium tam Magni Ducatus Lithuanix, quam  
Episcopatus Warmiensis & aliarum Regiæ Maiestatis  
ditionum, cum Ducatu controuersis dirimendis, cum  
à Dominis Oratoribus nihil recusetur, non est, quod  
amplius & S. Regia Maiestas ac Ordines postulent,  
quàm vt quam primùm, more consueti, de iis cogno-  
scatur definiaturque.

Priuilegia iuraque Incolarum Ducatus Prussix, ve-  
tera itidem pacta omnia, quæque ex iis & pristinis In-  
uestituris debentur, omnia in suo robore integra inui-  
olataque permanere, S. Regia Maiestas, Amplissimus-  
que Senatus volunt, nominatim, ne ad honores & ad  
officia publica, Magistratusque & Artium præfecturas  
alij, quàm Ducatus Prussix Incolæ, secundum Priui-  
legia, antiquamque obseruationem Ducatus adhibe-  
antur. Priuilegia ad terras Prussix pertinentia, si quæ  
à Cruciferis adhuc reliqua sint, secundum pacta etiam  
vetera, quò in Archium Regni inferantur, restitui  
debeant.



Eorum etiam, qui per hoc tempus aliqua in re ad S. Regiam Maiestatem confugerunt, supplicesuè libellos obtulerunt, securitati & indemnitati per omnia cautum S. Regia Maiestas, Amplissimusque Senatus vult, ita, ne ea res vnquam apud illustrissimam Celsitudinem eius, successoresuè Ipsius, aut Magistratus, fraudi dam nouè illis cuipiamuè illorum sit.

Ad extremum, vnā etiam conditionem longè æquissimā adiiciendam. S. Regia Maiestas Amplissimusque Senatus existimant, vt si hisce conditionibus de negotio iam conuenerit, atque postea illustrissimus Princeps, Albertus Fridericus, nunc æger, valetudini restitutus fuerit, vel ex præsentī matrimonio, vel eodem diuina fortè voluntate, soluto, ex alio masculam prolem suscepit, ne vel ipsi vel posteritati eius legitimæ masculæ, si quam ei Deus concesserit, tractatio iusuè hoc illustrissimi Principis Electoris, vlli detrimento præiudicioque sit.

Quas quidem conditiones, quemadmodum Domini Oratores, vi pleni potentiæ exhibitæ illustrissimi Principis Electoris nomine (exceptis iis, quæ expresse in hoc responso in aliud tempus dilata sunt) acceperunt, rataque firmas ac irreuocabiles fore sponderunt: Ita S. Regia Maiestas, cum Amplissimo Senatu, vt in proximè futuris saltem Comitibus omnium Ordinum consensum atque authoritatem in eas obtineant, iisque



hisque totum negotium componatur, cōtrouerſiaque  
omnis ſopiat, ſedulam operam duros, omni-  
ſtudio ſe incubituros promittunt pollicenturque. Qui  
quidem Conſenſus Ordinum poſtquam obtentus fu-  
erit, Illuſtriſſimus Princeps Elector ad Comitia poſtea  
in perſona veniat, Homagiumque & Iuramentum eo-  
dem, qui ſupra oſtenſus eſt, modo, præſtet, quod cū  
præſtiterit, Priuilegium inueſtituræ, ſecundum etiam  
vetera pacta, Inueſtituræque, & hæſce conditiones,  
quæ reſponſo hoc propoſitæ ſunt à S. Regia Maiestate  
Domino noſtro Clementiſſimo ei tradetur, ſimul eti-  
am Commiſſarij à S. Regia Maiestate designabuntur,  
qui in poſſeſſionem Ducatus, authoritate S. Regiæ  
Maiestatis, illuſtriſſimam celiſitudinem ſuam mittant,  
eademque de quibus conuenerit, executioni mandet.  
Interim quo magis etiam beneuolentiam, propenſio-  
nemque S. Regiæ Maiestatis & Ampliſſimi Senatus,  
illuſtriſſima celiſtudo eius erga ſe perſpiciat, conſilio  
conſenſuque Senatorum ſuorum adhibito. Curam  
etiam ægri Principis Ducatusque eius adminiſtratio-  
nem, non tam iuris aliqua neceſſitate, quam ex mera  
clementia ac benignitate Regia (vt quæ tota in pote-  
ſtate S. Regiæ Maiestatis ſit, quemadmodum iure eo-  
deceſſores S. Regiæ Maiestatis uſi ſunt, Ipſaque etiam  
S. Regia Maiestas ſibi ſucceſſoribusque Regibus Polo-  
nię integram reſeruat), conferendam duxit, quemad-  
modum nunc etiam conditionibus inſcripſtis & ſu-  
perioribus



perioribus eodem scripto comprehensis, de quibus  
conuenit conferet.

Primum quidē ne Administratio hęc Curauē alteru-  
trius partis, Iuri vel addat quicquam vel demat, sed in  
eo, in quo nunc est statu, vtriusque partis ius integrum  
permaneāt. Deindē, vt per Consiliarios Regentes  
Ducatus Prussiae Illustrissima Celsitudo eius Curam  
eam eousque administret, quoad Homagium iura-  
mentumque solenniter celsitudo eius praestet. Consili-  
arij verō, tanquam Curatori successionis iure, in eo,  
in quo nunc est statu relicto, in administrationem fi-  
delem iurare possint, Eiusque rationes eidem reddant.  
Interim etiam antequam Homagium & iuramentum  
S. Regiae Maiestati illustrissimus Princeps Elector  
praestiterit, ab ingressu Prussiae abstineat, neque quen-  
quam ex illustrissimis filiis istuc mittat, sine scitu &  
permisso S. Regiae Maiestatis: Mandatarios tamen mi-  
nistrosque suos ad inspiciendas res mittere poterit.  
Tum verō vt aeger Princeps Illustrissimaeque Coniunx  
ipsius ex dignitate exhibeantur, omniaque quae tam  
ad alimenta, necessitatemque: quam etiam dignita-  
tem eorum pertinebunt, liberaliter illis subministren-  
tur; Ea ad extremum adiecta cautione, ne quid in  
contrarium ab iis, quae supra scripta sunt, illustrissima  
celsitudo eius attente, quo numine & deconditioni-  
bus supra scriptis seruandis cautio à Dominis Legatis  
interposita est, quam illustrissima etiam celsitudo sua  
specialibus literis suis, primo quoque tempore ad  
S. Re-



S. Regiam Maieſtatem mittendis, ratam habere, ac iisdem de rebus omnibus, omni meliori modo, cauere tenebitur.

Quibus omnibus etſi propenſiſſimam voluntatem ergà ſe S. Regiæ Maieſtatis, atque Ampliſſimi Senatus facilè illuſtriſſimam celſitudinem ſuam perſpecturam S. R. M. non dubitat: vt tamè Domini Oratores quoque prolixè de ea illuſtriſſimæ celſitudini ſuæ confirmet, benignè S. R. M. poſtulat, iisdemquè Ipſa quoque clementiam gratiamquè ſuam Regiam defert. &c.

Præſentibus Illuſtriſ: Reuerendiſ: Illuſtr: Mag: Generoſis, & Nobilibus. Ioanne Zamoyſki Archiepiſcopo Leopolièñ. Bernardo Macieiovyſki: S. R. E. Cardinali, Epifcopo Cracouièñ. Petro Tylicki, Wladislauièñ: & Pomeraniæ. Laurentio Goſlicki, Poſnanièñ. Alberto Baranovyſki, Płocièñ. Symone Rudnicki, Warmièñ. Martino Syskovvyſki, Luceorièñ. Mathia Piſtrokoñſki, Przemyſlièñ & Regni Poloniæ Vicecancellario. Laurentio Gembicki, Culmeñ. Chriſtophoro Kazimirſki, Kiouieñ. Paulo Voſucki, Cameneceñ, Epifcopis. Hieronimo Goſtomſki Poſnanièñ, Sredeñq; Cap. Nicolao Chriſtophoro Radziwvił, Duce in Ołyka & Nieſwicz, Vilneñ. Szavvleñq; Cap. Georgio Mnifzek, Sendomirièñ. Leopolièñ. Samborièñque Cap. Alexandro Koniecpolſki, Siradien. Zarnouièñq; Cap. Carolo Chotchiewicz, Cap: noſtro Samogitiæ. Sta niſlao Miński, Lęcicien. Płocièñque Cap.



Stanislao Gulski, Russiæ Barenq; Cap. Stanislao Kra-  
śinski, Płocen. Hieronimo Paris, Masouia. Ianuszyc  
Duce à Zbarasz, Braclaiuen. Palatinis. Ioanne Comi-  
te ab Ostrog, Posnanien. Stanislao Bykovvski, Len-  
cicien, Siradienq; Cap. Petro Myszkovvski, à Mirovv,  
Lublinen: Tissovienq; Cap. Andrea Firley, de Da-  
brouica, Radomien: Zbigneo Ofolinski, Zarnouien:  
Castellanis. Christophoro Dorohostayski, M. D. Lit.  
supremo Marschalco. Leone Sapieha, M. D. Lit: Can-  
cellario. Nicolao Wolski Regni. Petro Wiesiošovvski,  
M. D. Lith: Curia Marschal: Andrea de Bnin Opa-  
linski, Regni nostri Secretario Maiore. Henrico Firley,  
Scholastico Cracouien: & Ioanne Thoma Drohoie-  
vski, Cap. Przemislien: Referédariis Curia nostra. Ia-  
cobo Lempicki, Gnesnen: Cracouienq; Canonico,  
Reinholdo Heidenstein, Secretariis nostris, & aliis  
quã plurimis Dignitariis, Secretariis & aulicis nostris.

Sigismundus Rex.

Locus sigilli.

Lubienski



o Kra-  
ufzyo  
Comi-  
Len-  
irovv,  
le Da-  
ouien:  
D. Lit.  
: Can  
ovvski,  
Opa-  
Firley,  
phoie-  
x. Ia-  
onico,  
& aliis  
oftris.

ski.







Biblioteka Jagiellońska



stdr0022197



